

Zapisnik sa Skupštine ICBNC održane 11. februara 2018. godine

Kvorum

Skupštini su prisustvovali 31 član s pravom glasanja od mogućih 123 pa je kvorum zadovoljen.

Dnevni red

1. Ašere - Sead ef. Isović
2. Prijedlog i usvajanje dnevnog reda
3. Izvještaj imama džemata
4. Izvještaj predsjednika Upravnog Odbora džemata
5. Finansijski izvještaj blagajnika džemata
6. Prioriteti razvoja džemata
7. Biranje džematskog člana za sabor ICNAB-a i medžlisa
8. Izbori za novi upravni odbor
 - a. Biranje izborne komisije (3 člana)
 - b. Izbori
9. Razno
 - a. Izbori u BiH za 2018. godinu
10. Dova - Sead ef. Isović

Ašere

Sead ef. je proučio Ašere.

Prijedlog i usvajanje dnevnog reda

Dnevni red je usvojen jednoglasno.

Izvještaj imama džemata

Imam je podnio detaljan izvještaj o radu u džematu uključujući detaljno iznošenije održanih predavanja, organizacije raznih događaja, organizacije gostovanja raznih ličnosti i govornika, rad sa mektebskom djecom, rad sa omladinskom organizacijom, itd.

Izvještaj predsjednika Upravnog Odbora džemata

Predsjednik Upravnog Odbora Midhad Duračak je iznio detaljan izvještaj o radu džemata u protekloj godini najviše se zadržavajući na detaljima koje se odnose na rad oko izgrade kulturno-sportskog centra i mezariluka te mnogo otežavajućih okolnosti koju su nas snašle u tom radu počevši od potrebe

da se zemljišne parcele objedine, do zahtjeva gradske uprave za gradnju vodenog bazena, ugrađivanja sistema za gašenje požara, ugrađivanja sistema za eroziju zemlje, itd. Najnoviji plan je predstavljen i objašnjen prisutnim.

Finansijski izvještaj blagajnika džemata

Blagajnik Mensur Medić je podnio finansijski izvještaj za 2017. godinu kao i projekciju budžeta za 2018. godinu koji su dostupni u našoj arhivi. Izdvajamo nekoliko pitanja od prisutnih te njihova pojašnjenja.

- Troškovi čišćenja džamije. Ovi troškovi se plaćaju na iznos od \$250 mjesečno jer se s tim obezbjeđuje čista i uredna džamija za dnevne namaze, džume, poslije džematskih večera (posebno tokom Ramazana), itd. Također, džamija se mora detaljno očistiti poslije posjete Somalijske djece svake subote za što Somalijci i plaćaju \$300 mjesečno a čija se sredstva vode kao iznajmljivanje džamije.
- Troškovi putovanja na skupove ICNAB-a. Ovi troškovi su neizbježni jer je naš džemat kao član ICNAB-a obavezan prisustvovati tim skupovima.
- Troškovi gostiju. Usvojen je prijedlog da se troškovi oko posjete gostiju obezbijede prije organiziranja posjete gostiju i da se ne koriste sredstva iz generalnog budžeta.
- Negativna projekcija budžeta za 2018. godinu. Odlučeno je da se projekcija budžeta promijeni i da se iznos prikupljenih donacija poveća da projekcija budžeta ne bude negativna.

Prioriteti razvoja džemata

Predsjednik Upravnog Odbora Midhad Duračak je iznio prioritete razvoja džemata i uz diskusiju sa prisutnim, određeni su sljedeći prioriteti za budući Upravni Odbor:

- Nastavljanje izgradnje kulturno-sportskog centra i mezarlika.
- Povećavanje broja članova džemata.
 - Shodno ovom cilju, moguća je suradnja sa Bošnjacima u Roanoke, Virginia koji su izrazili želju da povremeno koriste usluge našeg imama ili da postanu članovi našeg džemata.
 - Aktiviranje amnestije za članove džemata koji su zaostali u plaćanju članarine. Usvojen je prijedlog da budući Odbor sprovede amnestiju i dozvoli svim članovima da uplate članarinu samo za tekuću godinu i odmah postanu redovan član džemata bez obzira koliko članarine je zaostalo. Također je naznačeno da će amnestija trajati na ograničen vremenski period od 4 mjeseca i da svaki član ima pravo na amnestiju samo jednom za čitav vijek članstva u džematu.
 - Povećati broj obavijesti i obavijesti slati neposredno prije samih događaja.
- Više rada i suradnje sa omladinom i omladinskom grupom.
- Sprovesti organizovanu registraciju glasača za izbore u BiH uz pomoć našeg konzulata.

Biranje džematskog člana za sabor ICNAB-a i medžlisa

Kao predstavnici našeg džemata, za sabor ICNAB-a je izabran Mensur Medić a za sabor medžlisa Amer Čustović. Oba predstavnika su izglasani jednoglasno.

Izbori za novi Upravni Odbor

Izbornu komisiju za izbore za Upravni Odbor džemata su sačinili: Mehdin (Dino) Mehić, Džavudin (Đane) Smailagić i Sead ef. Isović.

Za članove Odbora su se kandidovali 12 članova te su glasačima objašnjena pravila glasanja. Nakon glasanja, izborna komisija je utvrdila da je bilo 26 važećih i 5 ne važećih glasačkih listića. Kandidati su dobili broj glasova prema tabeli ispod.

| Redni broj | Ime | Broj glasova |
|------------|--------------------|--------------|
| 1 | Amer Čustović | 23 |
| 2 | Esed Dedić | 23 |
| 3 | Muamer Helja | 23 |
| 4 | Mensur Medić | 21 |
| 5 | Atif Čustović | 21 |
| 6 | Dževad Balta | 21 |
| 7 | Suljo Ademović | 15 |
| 8 | Jasmin Huseinbašić | 14 |
| 9 | Muhidin Heljić | 14 |
| 10 | Safet Jusufović | 13 |
| 11 | Vildan Rustemov | 9 |
| 12 | Sulejman Muratović | 7 |

Budući da džematski odbor može imati najviše 8 članova (plus efendija koji automatski ulazi u Upravni Odbor), Muhidin Heljić, Safet Jusufović, Vildan Rustemov i Sulejman Muratović nisu ostvarili dovoljan broj glasova da bi postali članovi Upravnog Odbora. Također, budući da su Muhidin Heljić i Jasmin Huseinbašić dobili isti broj glasova, Muhidin je odlučio da mjesto prepusti Jasminu koji ga je primio i postao osmi član Upravnog Odbora.

Razno

Izbori u BiH za 2018. godinu

Za ovu temu, riječ je preuzeo Dr. Mirsad Hadžikadić koji je govorio o važnosti da se prijavi za glasanje u predstojećim izborima u BiH i da se glasa na vrijeme. On je navodio činjenice da u Sjedinjenim Američkim Državama, od 300 hiljada potencijalnih glasača, samo 10 hiljada osoba ustvari glasa da i takav status odgovara vlastima u BiH. Trenutno u dijaspori ima preko milion ljudi iz BiH koji, kad bi svi glasali, bi imali veću glasačku moć nego svi glasači koji žive u BiH.

Stoga je jedan od prioriteta Upravnog Odbora da olakša i ubrza registrovanje glasača u našem džematu pa i šire.

Dova

Sead ef. je proučio dovu.